



Publicaziuns dalla vischnaunca, jamna 37

Revisiun parziala dalla planisaziun locala Conclus d'approbaziun

La Regenza dil cantun Grischun ha approbau ils 4 da settember 2012 (conclus nr. 867) sin fundament d'art. 49 dalla lescha cantunala davart la planisaziun dil territori (LPT) la revisiun parziala dalla planisaziun locala. Quella ei vegnida acceptada ils 11 da mars 2012 dalla cuminonza dils votants. L'approbaziun ei succedida cun suandontas correcturas, resalvas e recumandaziuns:

Cuntegn:

Revisiun parziala dalla lescha da baghegiar, dils plans da zonas, dils plans generals da provediment e dils plans generals da formaziun.

Correcturas, resalvas:

La **lescha da baghegiar** vegn approbada cun suandontas resalvas:

- Art. 39 al. 3 dalla lescha da baghegiar (LB) sco era las completaziuns d'art. 39 al. 5 LB vegnan buca approbadas e remessas alla vischnaunca per reponderaziun.
- Art. 54bis e 54ter LB vegnan buca approvai.
- La cundiziun decretada el conclus dalla Regenza nr. 529 dils 26 da matg 2009 (mira dispositiv, cefra 2 lit. a) concernent la «Regulaziun davart quotas da habitaziuns primaras e da habitaziuns secundaras » per la zona da habitar 2 sin parcella nr. 546 vegn abolida. Il medem mument segn stiz-zau la remarca corrispundenta en la legenda dil plan da zonas 1:2000 dils 30 da november 2008.

Il **plan da zonas ed il plan general da formaziun 1:2000 «Midada»** dils 11 da mars 2012 vegnan approvai.

Il **plan da zonas 1:10 000 «Midada»** dils 11 da mars 2012 vegn approbaus el senn dallas ponderaziuns. Il **plan general d'avertura 1:2000 «Traffic e provediment, midada»** vegn approbaus cun ina recumandaziun.

La tractaziun da treis recuors da planisaziun concernent la zona speciala Disentiserhof vegnan tractai pli tard en in conclus separau dalla Regenza. Dils mieds da planisaziun approvai e dil conclus dalla Regenza sa vegnir priu envesta tier l'administraziun communal (stanza 10) naven da venderdis, ils 14 da settember entochen gliendisdis, ils 15 d'october 2012. Encunter las resalvas, pretensiuns ed ordinaziuns cuntenidas el conclus sa, sefundond sin art. 102, alinea 1 dalla lescha cantunala davart la planisaziun dil territory (LPT) ed a norma dalla lescha cantunala davart la giustia administrativa (VRG), vegnir recurriu enteifer 30 dis dapi il datum da publicaziun alla Dertgira administrativa dil cantun Grischun.

Disentis/Mustér, ils 10-9-2012

Suprastonza communal Disentis/Mustér

Lubientscha da baghegiar

L'istanza da baghegiar ha concediu suandonta lubien -tscha da baghegiar:

Nr. 2012-1042

Monn Edgar, Via Sursilvana 19, 7180 Disentis/Mustér; engrondaziun dalla casa e construcziun da parcadis novs, parcella 892, Via Sursilvana 19, 7180 Disentis/Mustér.

Quella lubientscha sa vegnir contestada enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

Disentis/Mustér, ils 11-9-2012

Uffeci da baghegiar Disentis/Mustér



Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun
Grischun OPT vegniu annunziau suandont project:

Nr. 2012-2054

Ursula Huber, Im Spitz 35, 8330 Pfäffikon ZH; sanaziun dallas fatschadas dalla casa e dallas schalusas, casa sin parcella 1067, Via Sogn Valentin 3, 7183 Mumpé Medel.

Encunter quella decisiun san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 11-9-2012
Uffeci da baghegiar Disentis/Mustér

Votaziun federalas e cantunalas

L'urna principala en casa communal ei aviarta sco suonda:

Sonda, ils 22-9-2012 18.30–19.30

Dumengia, ils 23-9-2012, 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 21 da settember 2012 allas 17.00** tier l'administraziun communal (tel. 081 920 36 36).

Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar suttascret en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau da francar) ni directamein fierer en la scaffa da brevs dalla casa communal.

Ils cedels da votar ston esser sil pli tard la **sonda, ils 22 da settember 2012 allas 12.00** tier l'administraziun communal. Il certificat dil dretg da votar ei da suttascriber. Senza Vossa suttascripziun cun agen maun ei la votaziun **nunvaleivla**.

Suprastonza communal Disentis/Mustér



Elecziuns communalas 2012

Quest'atun han liug las elecziuns dils organs communalas per la perioda d'uffeci 2013/16. Quellas succedan tenor las prescripziuns dalla constituziun communalala e dalla lescha davart ils dretgs politics. Entochen il termin prescret ein las suandontas demissiuns vegnidas inoltradas:

Suprastonza communalala

Dr. Dumeni Columberg Chischliun

Cussegl da vischnaunca

Clemens Berther Segnas
Heinrich Berther Sontget
Robert Cajacob Segnas
Bernadetta Caminada-Mühlebach Vitg
Giusep Columberg Vitg
Emerita Flepp-Degonda Vitg
Victor Flepp Clavaniev
Martina Gienal-Caviezel Latis
Pius Huonder Vitg
Pirmin Lozza Faltscharidas
Avat Vigeli Monn Claustra

Cussegl da scola

Francescg Cajacob Acletta
Alfons Quinter Latis

La suprastonza communalala pren enconuschientscha da quellas demissiuns cun admetter in grond engraziament a tuts ed a tuttas per lur engaschament en favur dil beinstar general.

Las elecziuns dil cussegl da vischnaunca, dalla suprastonza communalala e dil cussegl da scola han liug **dumengia, ils 28 d'october 2012**. Las elecziuns da tuttas ulteriuras cumissiuns succedan pli tard entras ils gremis competents. Tenor art. 15 dalla constituziun communalala vegnan tuttas autoritads e cumissiuns permanentas eligidas per ina perioda d'uffeci da **quater onns**. Ils vischinadis, partidas politics localas ni gruppas da silmeins 15 votant(a)s san proponer entochen 30 dis avon l'elecziun candidats e candidatas per la suprastonza communalala, per il cussegl da vischnaunca e per il cussegl da scola. Talas propostas ein da far a **secret e d'inoltra entochen sil pli tard venderdis, ils 28 da settember** all'administraziun communalala. Ufficials che han buca demissiunau valan tenor art. 24 al. 2 dalla lescha davart ils dretgs politics sco proponi.

Per las autoritads che vegnan eligidas la fin d'october all'urna ein perquei gia nominai:

President communal

Vacant: 1 post

Suprastonza communalala

Madlen Deflorin-Spescha Sontget
Cecilia Maissen-Desax Cuoz
Iso Mazzetta Vitg
Roger Tuor Carcarola
Vacant: 0 posts

Cussegl da vischnaunca

Rita Huonder-Tenner Clavaniev
Jordana Lozza-Desax Chischliun
Flavio Murer Caschuarz
Alfred Spescha Carcarola
Vacant: 11 posts

Cussegl da scola

Simon Bergamin Segnas
Ulrike Lechmann-Krabacher Vitg
Vacant: 2 posts



Per ulteriur sclariment stat il canzlist communal bugen a disposiziun.

Suprastonza communal Disentis/Mustér

Vischinadi d'Acletta
Radunonza ordinaria
Mesjamna, ils 19 da settember 2012, allas 20.15 el hotel «Péz Ault».

Tractandas:

1. Beinvegni
2. Elecziun dad in dumbravuschs
3. Prelecziun ed approbaziun dil protocol
4. Rapport annual dil president
5. Quen e rapport dil revisur
6. Elecziuns vischinadi
7. Propostas per candidatas e candidats per
 - a) suprastonza communal
 - b) cussegl da vischnaunca
 - c) cussegl da scola
8. Program da lavur
9. Varia

Cordialmein envida
la suprastonza dil vischinadi Acletta

Vischinadi Funs-Latis-Clavaniev

Radunonza generala
Venderdis, ils 14 da settember 2012, allas 20.15 el hotel « Sax ».

Tractandas:

1. Beinvegni
2. Elecziun d'in dumbravuschs
3. Prelecziun ed approbaziun dil protocol dils 25 da november 2011
4. Rendaquen e rapport dils revisurs
5. Rapport annual dalla presidenta
7. Fixar la taxa annuala
8. Nominaziuns per las elecziuns communalas 2012
9. Varia

Cordialmein envida *la suprastonza*

Radunonza generala dil vischinadi Mompé-Medel

Venderdis, ils 21 da settember 2012, allas 20.15 en La Scursalada a Mompé-Medel.
Sunter radunoza dat ei in pign pushegn.

La suprastonza



Radunonza dil vischinadi Segnas/Mompé Tujetsch

Mesjamna, ils 12 da settember 2012, allas 20.15 en casa da scola Segnas.
Tractandas statutaricas. Nominaziuns per elecziuns communalas.

**Vischinadi Vitg: Radunonza generala Venderdis, ils 21 da settember 2012
allas 20.00 el hotel «Alpsu».**

Tractandas:

1. Beinvegni
 2. Elecziun d'in dumbravuschs
 3. Prelecziun ed approbaziun dil protocol
 4. Rendaquen e rapport dils revisurs
 5. Nominaziuns per las elecziuns communalas 2012
-

Annunzias per la fiera s. Martin

La fiera da s. Martin ha liug uonn gliendisdis, ils **12 da november 2012**. Annunzias per stans da fiera ein da far a scret entochen mesjamna, ils **3 d'october 2012** all'administraziun communal. Annunzias suenter quei termin san buca pli vegnir risguardadas.

Administraziun communal Disentis/Mustér

Controlla da bulius

Sonda, ils 15 da settember 2012 naven dallas 17.00–17.30 ha liug avon l'entrada dalla casa da scola nova a Cons ina controlla da bulius. La controlla ei gratuita e succeda entras il controllader Egmont Heisch da Cumbel. Ulteriuras controllas han liug ils 23 da settember ed ils 14 d'october 2012.

Organisau d'ina gruppa d'interess

Apparats d'udida

Gliendisdis, ils 24 da settember 2012, saveis Vus schar schubergiar e regular Vies apparat d'udida en Casa da tgira Sursassiala a Muster che sesanfla en claustra ed a Curaglia. A Muster ei il liug signalisau. A Muster naven dallas 14.00 tochen ca. las 15.15. A Curaglia naven dallas 15.30 tochen ca. las 16.30. L'uniun Pro Audito Chur cun signur Arthur Jacomet fa quei survetsch per tuts interessents gratuitamein. Cordiala invitaziun

Casa da tgira Sursassiala

Fiera da resti d'affons a Mustér

Venderdis, ils 14-9-2012 dallas 19.00–21.00 e sonda, ils 15-9-2012 dallas 9.00–10.30.

Mummas cun affons pigns



UHC Desertina Bulls «seniors»

Nus entschevin puspei cun nos trenaments. Emprem trenament **mesjamna, ils 3 d'october 2012** allas 20.00 el center da sport.

Salids
Ronny Zanin

Uniun da dunnas Mustér

L'uniun da dunnas Muster organisescha il suandont cuors:

Fletrar folets (Wichtel)

Menadra: Annamaria Schnoz
Liug: Local uniun da dunnas Muster
Temps: 19.00–22.00
Datums: 20/26/27 da settember ed ils 1 e 4 d'october 2012

Annunzias:

Las annunzias prendel bugen encunter tochen ils **15 da settember 2012**, Sigrid Loretz, tel. 081 947 40 29, natel 076 517 88 79, e-mail: sigrid_loretz@hotmail.com.

Uniun da dunnas Mustér Fiera da Nadal a Muster

Dumengia, ils 25-11-2012 organisescha l'uniun da dunnas puspei la fiera da Nadal. La fiera ha liug naven dallas 11.00–19.00 sin la piazza da scola a Muster.

Annunzias ein da far tochen ils 10-10-2012.

Per damondas ed annunzias stat Candinas Fabiana bugen a disposiziun, tel. 081 947 42 88, 079 373 61 58, fcandinas@gmx.ch.

Ev.-ref. Gemeindezentrum AUA VIVA Disentis

Thema: Wurzelbaume schlagen – durch Malen und Qi Gong zu den eigenen Wurzeln finden

Datum: Samstag, 6. Sept. 2012 9.30–17.00 Uhr und Sonntag, 7. Sept. 2012 9.30–1.630 Uhr

Ort: Gemeindezentrum Aua Viva, Raveras, Disentis

Leitung: Doris Tuor und Marianne Bar

Kosten: Fr. 325.00 inkl. Material und Mittagessen

Anmeldung: bis 22. Sept. 2012 an: Doris Tuor, Via Dulezi, 7180 Disentis, tuor.d@gmx.ch
Der Workshop steht allen Interessierten offen, unabhängig von Alter und Beweglichkeit.

Sentupada dalla pcd locala Mustér

Tema: Nominaziuns per las elecziuns communalas da quest atun

Cu: **Venderdis, ils 14 settember 2012** allas 20.15

Nua: Cafe Resgia (Eurospar)

Sperond a stedia participaziun
Erwin Caminada